

滄洲塵缶編

五

論衡集解

膳錄監生臣劉堦

膳錄副貢生臣杭光晉

欽定四庫全書

滄洲塵岳編卷十一

宋程公許撰

五言排律

行黑水谷三十里以耳目聞見有賦

自過三泉境紆回谷道中居民雖漸復生理頃成空敗
屋翳蒿蓬頽牆荒棘叢稻田多宿莽麥隴間鋪茸耕織
豈當廢傷殘甘忍窮遑憐已死骨使得掩幽宮梨粉偏
饒白桃腮也自紅羈游愁滿眼感憤氣填胷家計艱營

葦人謀有異同熟為根本慮無使浪施功

末句謂招納秦鞏

大雪同楊景韓程子敬登寺樓

雪中佳士集同倚寺樓看晃蕩迷滄海空明迫廣寒重
城和氣浹萬井語聲歡瑞接三冬白憂寬一寸丹漁船
尋剡曲戰馬渡桑乾天意俱慳與無羶分冷官

遊東坡和柯山潘邠老舊賦

恭惟廊廟具歲晚落江湖豈不三緘舌深慙七尺軀若
為周士貴翻作楚囚拘詩歟催供上皇聰莫可呼孔融

成幸免柳子豈真愚瓢酒那能醉又錢可得腴貧雖無
四壁夢不到清都赤壁一枝笛寒溪十幅蒲故交同縞
紵廢壘借耰耒分徑爭捷可憐錐也無是非端自定
流落坐成迂四海老泉水一時丹穴雛士皆憐大器手
不轉洪樞擬問靈蓍卜難憑造化爐喑喑櫪下馬汎汎
水中鳬富貴危探虎烟波夢釣鱸定知鏗舍瑟終不亂
吹竽榛莽開金地江山稱畫圖何當麾斗柄相與第天
吳生世須如此不然非丈夫

送憲使江寺簿赴召

沃野三千里春風十六城顧憂寧易釋遣送定非輕憶
昔光華賦隨軒老稚迎根株探吏蠹疴瘡察人情漢網
寧疎漏周原數按行堰渠豐穰極犴戶絕笞榜六詔寂
無警三農容雜耕與民為父母歛惠到孤嫗江漢今猶
昔人才世載英顏流無砥柱公道莽榛荆能使薰蕕別
端由藻鑑明綱條雖整肅襟度乃恢宏行路無思犯濡
絲已載賡前旒應渴見方底趣終更豈有坳堂水能容

碧海鯨佇翔幽谷羽人轉上林鶯聞道宗風嫩推高月
旦評榮非同象笏愛亦異金籛博士尤姱節端公更直
聲流芳鑄琬琰仍世盛簪纓早並膠庠彥同為館下生
詩書勤澡濯聲譽響鏗鉤棘路仙班近麻壇守紱榮徒
勞將使指未足展修名王事猶多難朝陽待一鳴吾君
元盛德廟筭豈佳兵鷸蚌牢相守貌貅滯遠征秋砧霜
滿戶曉角月連營縱幸齊疆復難輕海上盟所憂新鬼
大何日泰階平世論難撐拄天時會擴清狼心寧易厭

魴尾恐加賴椎刺無餘算絲何忍取羸急須元氣護可
使內憂并否極當逢泰屯餘合遇亨絲綸九天下羽翼
一朝成已卜皇圖永寧憂敵勢勅公歸瞻負宸朝罷謁
阿衡勿吝謀猶告頻將底裏傾致身須豹尾平武即鵬
程有客青衫陋逢人白眼瞠愧無長袖舞愁對短燈檠天
憫龍鍾極身遭鑒賞精鹽車華錦繡土鼓發醜醜披豁
叨深眷睽違耿素誠誰云鴛序遠忍欠鯉魚烹願效鷹
鷂擊生憎虎豹羶送公騰召駕撩我動心旌湔祓慙褒

袞淒涼乏報瓊松筠青不落看取歲崢嶸

又上座主李左史八十韻

江路三年別心旌萬里搖登龍空有夢蟄蟻困無聊側
聽除書峻深期廟論調方看儀玉筍胡遽理蓀橈在昔
推華族於今壯本朝談遷承緒遠坡穎更難超江漢英
風迥堪興間氣饒文傳千戶印和備九成簫撼地喧雷
鼓當空插斗杓靈龜韜遠見瘦鶴峙孤標久矣駕陵驥
淒其鵠避鵬與時為準的立已有科條蚤歲趨嚴詔修

名聳百僚青藜窺夜讀紉筴障塵飄游綰藩侯紱連驅
使者輶通才期用世所至藹騰謠將畧雄諸葛皇靈格
有苗帝思前席問命下賜環招敷奏趨丹陛疏榮逼紫
霄一朝驚玉立三館看纓影曉露坳螭潤春風砌藥嬌
倚才兼夕拜專對褫天驕草詔鑿坡夜橫經鶴禁朝紫
荷班已峻黃閣路非遙感激君恩重傷嗟世論澆維時
憂旱曠大地徧炎燬公道荒荆棘輿情渴蓼蕭直前臣
語慙感聽帝心怗剪爪晨頒綽濡膏夕灑瓢孤鳴知鳳

瑞衆疾奈鳩佻賈勇封囊上噓回士氣消防門
獍九虎利吻譟羣鴉自古譏簧巧傷人甚骨銷
吾身任江海公論付芻蕘嬌節寒冰雪歸情遡
汐潮鷺鷥波浩蕩龍鶴夢岩堯雅量陂難撓身
心栢後凋不妨閒袖手冷看疾揚鑣詠草春波
綠移牀夜雨瀟湖邊鴻並影夢裏鹿藏蕉庸俗
偏酣豢清風久寂寥葦苑紛蔽戶蕭艾服盈腰
甘作墻間乞真成陌上挑迷途爭窘步俚耳怪
聞韶主自明如舜人寧免吠堯與時雖落落任
運獨囂囂正論

何曾氓羣公莫誤料邦基期莫鼎隣火逼回颺漫倚泥
封谷徒嫌斗擊刁護疽雖暫逸廢食可禁枵嘗膽當忘
食求衣合在宵若為人杞梓空使侶漁樵蠟潤東山屐
塵漫北闕貂牙籤搜蠹槁畫舫看魚跳回首堯天濶驚
心郢路迢僕夫悲馬跼詹尹拂龜焦忍使遐心寫懸知
睿想翹天街催並轡里社恥題橋慨念材成就艱如器
琢雕扶持非有素運用恐無繇康世先營度猶農待勸
劭可容苗亂莠莫使椒侵椒議必和平勃忠無棄董晁

皇皇賢路闢汲汲將才驍不廢菁莪育精分玉石燒人
心如眷眷天理自昭昭蓄銳勤耕渭乘機速渡遼定應
人激厲可使氣嫖姚催促元勲紀歡呼敵首梟明知霖
雨渴不用鼎烹要豫卜中興漢毋徒小惠僑寒儒鑽蠹
簡雅志自垂髫有夢騫鵬浪無心翫翠苔憶曾持鐵寸
誤辱采桐焦步想長楸展癡成大瓠喙長懷梧鳳表屢
賦草蟲嚶官冗盆縑繭身羈甲附蜩不辭行役倦願奉
燕居天抱璞求礪琢荒疇待蓂穠木瓜如許贈誓志報

瓊瑤

上曹憲使五十韻

曹公名器
字叔遠

驥不稱其力文當與德兼
禍能多悻悻小器或遑遑
行世吾誰與窺公意自厭
秉心溫以恪植操靜而廉
信矣天資媿加之學力漸
巖巖疑壁立灑灑乃淵潛
李杜波瀾闊黃陳律令嚴
鏗鉉諧律呂璀璨溢絃縑
振采賢關闢䟽榮物議貪
董帷終日下戴席幾重添
江漢荆之望龜蒙魯所瞻
鷁飛俄引卻蝶夢一何恬
萬里紆朱紱孤

峯對白鹽清吟憑月檻長嘯倚風簷偶過伊川洞高褰
刺史襜褕寬踈訟妬惻怛到窮閭治行流江海除書降
陞廉六條頒屬部五聽察蒼黔紫塞塵方暗紅巾黨未
殲人情彌震洶鄰境倍危阨所恃福星照能令妖焰燄
民皆欣抃手公亦笑掀髯鳳綵摻才切驪珠信手拈春
雷掀舊蟄秋月吐新蟾平似衡加石明如鏡出奩薦賢
應受賞端策不須占世路吁猶梗宸衷祇自悵飛書星
較速多壘日相覘曠霧中原慘何時聖化霑廟謀須謹

密人意惡猜嫌表葛如無定膏盲豈易砭內須和鼎鉉
外亦倚珠鈴頃者益謀帥胡然心執謙有才空置散蓄
憤可能快人物何其眇公朝忌者愴幾曾明察察競作
息奄奄我自芻蕘侶情酣筍蕨甜輟耕憐鰥鯨貪餌強
喁噲昔戀龜頭縮今愁馬口箝何階羣玉府入手萬牙
籤憔悴投林翼蹒跚上竹鮎自窺談屑璨屢詫筆鋒銛
愧甚享金帚慙如倚玉簫素懷長北闕流景恐西崦天
久思平治公當贊景炎入應扶紫極出則擁朱綬謀必